



蘇州集卷第五

酬荅

期盧嵩枉書稱日暮無馬不赴以詩荅  
佳期不可失終願枉衡門南陌人猶度西林日  
未昏庭前空倚杖花裏獨留樽莫道無來駕知  
君有短轅

任洛陽丞荅前長安田少府問

相逢且對酒相問欲何如數歲猶卑吏家人咲  
著書告歸應一作未得榮宦又知踈日日生春



草空令憶舊居

假中枉盧二十二書亦稱卧疾無訝李

二久不訪問以詩答書因以戲李二

微官何事勞趨走服藥閑眠養不才花裏碁盤  
憎鳥污枕邊書卷訝風開故人問訊綠同病芳  
月相思阻一杯應笑王戎成俗物遙持麈尾獨  
徘徊

訓盧嵩秋夜見寄五韻

喬木生夜涼月華滿前墀去君咫尺地勞君千  
里一作萬思素秉棲遁志况貽招隱詩坐見林木

榮一云坐損願赴滄洲期何能待歲晏携手當

此時盧詩云歲晏以為期之句

訓鄭戶曹驪山感懷

蒼山何鬱盤飛閣凌上清先帝昔好道下元朝  
百靈白雲已蕭條麋鹿但縱橫泉水今尚暖舊  
林亦青青我念綺襦歲扈從當太平小臣職前  
驅馳道出灞亭翻翻日月旗殷殷鞀鼓聲萬馬  
自騰驤八駿按轡行日出煙嶠綠氛氲麗層甍  
登臨起遐想沐浴懽聖情朝燕詠無事時豐賀  
國禎日和絃管音下使萬室聽海內湊朝貢賢

愚共歡榮合香車馬喧西聞長安城事往世如  
寄感深迹所經申章報蘭藻一望雙涕零

答李澣三首

孤客逢春暮緘情寄舊遊海隅人使遠書到洛  
陽秋

馬卿猶有壁漁父自無家想子今何處扁舟隱  
荻花

林中觀易罷溪上對鷗閑楚俗饒辭客何人最  
往還

酬柳郎中春日歸揚州南郭見別之作

廣陵三月花正開花裏逢君醉一迴南北相過  
殊不遠暮潮從去早潮來

酬豆盧舍曹題庫壁見示

掾局勞才子新詩動洛川運籌知決勝聚米似  
論邊宴罷常分騎晨趨又比肩莫嗟年鬢改郎  
署定推先

酬李儋

開門臨廣陌旭日車駕喧不見同心友徘徊憂  
且煩都城二十里居在良與坤人生所各務乖  
闕累朝昏湛湛樽中酒青青芳樹園緘情未及

發先此枉璵璠邁世超躡一作高躡尋流得真源  
明當策疲馬與子同笑言

訓元偉過洛陽夜燕

三載寄關東所懽皆遠違思懷方耿耿忽得觀  
容輝親燕在良夜歡携關中闌問我猶杜門不  
能奮高飛明燈照四隅炎炭正可依清觴雖云  
酌所媿乏珍肥晨裝復當行寥落星已稀何以  
慰心曲佇子西還歸

訓韓質舟行阻凍

晨坐枉嘉藻持此慰寢興中獲辛苦奏長河結

陰冰皓曜群玉發淒清孤景凝一作至柔反成  
堅造化安可恒方舟未得行鑿飲空兢兢苦寒  
彌時節待泮豈所能何必涉廣川荒衢且升騰  
殷勤宣中意庶用達吾朋

李博士弟以余罷官居同德精舍共有

伊陸名山之期久而未去枉詩見問

中云宋生昔登覽末云那能顧蓬華

直寄鄙懷聊以爲荅

初夏息衆綠雙林對禪客枉茲芳蘭藻促我幽  
人策冥搜企前哲逸句陳往迹髮髯陸渾南迢

遞千峯碧從來遲高駕自顧無物役山水心所  
娛如何更朝夕晨興涉清洛訪子高陽宅莫言  
往來踈駑馬知阡陌

寄訓李博士永寧主簿叔廳見待

解鞅先幾日款曲見新詩定向公堂醉遙憐獨  
去時葉露寒雨落鍾度遠山遲晨策已云整當  
同林下期

荅令狐士曹獨孤兵曹聯騎暮歸望山

見寄

共愛青山住近南行牽吏役背雙驂枉書獨宿

對流水遙羨歸時滿夕嵐

荅李博士

休沐去人遠高齋出林杪晴山多碧峯顯氣疑  
秋曉端居喜良友枉使千里路緘書當夏時開  
緘時已度簷雛已颯颯荷露方蕭颯夢遠竹窓  
幽行稀蘭徑合舊居共南北往來只如昨問君  
今爲誰日夕度清洛

荅劉西曹

時爲京兆功曹

公館夜云寂微涼群樹秋西曹得時彥華月共  
淹留長嘯舉清觴志氣誰與儔千齡事雖邈俯

念忽已周篇翰如雲興京洛頗優遊詮文不獨  
占理妙即同流淺劣見推許恐為識者尤空慙  
文壁贈日夕不能酬一作夕一

荅貢士黎逢

時任京兆功曹

茂等

一作

方上達諸生安可希栖神澹物表渙

汗布令詞如彼崑山玉本自有光輝鄙人徒區

區稱嘆亦何為彌月曠不接公門但一作驅馳

蘭章忽有贈持用慰所思不見心尚密一作密况

當相見時

荅韓庫部

協

良玉表貞度麗藻頗為工名列金閨籍心與素  
士同日晏下朝來車馬自生風清宵有佳興皓  
月直南宮矯翮方上征顧我邈忡忡豈不願攀  
舉執事府庭中智乖時亦塞才大命有一作通  
還當以道推解組守蒿蓬

荅崔主簿倬

朗月分林靄遙管動離聲故驩良已阻空宇澹  
無情窈窕雲鴈沒蒼茫河漢橫蘭章不可荅冲  
襟徒自盈

荅徐秀才

鈇鈍謝貞器時秀猥見稱豈如白玉仙一作仙山鶴  
方與紫霞升清詩舞艷雪孤抱瑩玄冰一枝非  
所貴懷書思一作武陵且茂陵

荅東林道士

紫閣西邊第幾峯茅齋夜雪虎行蹤遙看黛色  
知何處欲出山門尋暮鍾一作欲向西山尋暮鍾

荅長寧令楊轍

皓月升林表公堂滿清輝嘉賓自遠至觴飲夜  
何其宰邑視京縣歸來無寸資瓌文溢衆寶雅  
正得吾師廣川含澄澗茂一作樹擢華滋短才

何足數枉贈媿妍詞歎眇良見屬素懷亦已披  
何意雲栖翰不嫌蓬艾卑但恐河漢沒回車首  
路岐

荅馮魯秀才

晨坐枉瓊藻知子返中林澹然山景晏泉谷響  
幽禽鬢髯謝塵跡逍遙舒道心顧我腰間綬端  
爲華髮侵簿書勞應對篇翰曠不尋薄田失鋤  
耨生苗安可任徒令慙所問想望東山岑

荅崔主簿問兼簡温上人

緣情生衆累晚悟依道流諸境一已寂了將身



世浮閑居治無味忽復四時周靡靡芳草積稍  
稍新篁抽即此抱餘素塊然誠寡傳自適一忻  
意愧蒙君子憂

清都觀荅幼遐

逍遙仙家子日夕朝玉皇興高  
清露沒渴飲瓊華漿解組一  
來款披衣拂天香粲然顧我笑  
綠簡發新章泠泠如玉音一作響  
馥馥若蘭芳浩意坐盈此月華  
殊未央却念誼譁日何由得清  
涼踈松抗一作枕高殿密竹陰  
長廊榮名等糞土携手隨風翔

善福精舍荅韓司錄清都觀會宴見憶  
弱志厭衆紛抱素寄精廬皦皦仰時彥悶悶平聲  
獨爲愚之子亦辭秩高蹤罷馳驅忽因西飛禽  
贈我以瓊琚始表仙都集復言歡樂殊人生各  
有因契闊不獲俱一來田野中日與人事踈水  
木澄秋景逍遙清賞餘枉駕懷前諾引領豈斯  
須一作須史無爲便高翔邈矣不可迂

荅長安丞裴稅

出身忝時士於世本無機爰以林壑趣遂成頑  
鈍姿臨流意已淒采菊露未稀舉頭見秋山萬

事都若遺獨踐幽人蹤  
邈將親友違髦士佐京  
邑懷念枉貞詞  
又雨積幽抱清罇宴良知  
從容操劇務文翰  
方見推安能戢羽翼  
顧此林栖時  
奉酬處士叔見示  
挂纓守貧賤積雪卧郊園  
叔父親降趾壺觴携  
到門高齋樂燕罷清夜  
道心存即此同踈氏可  
以一忘言

荅庫部韓郎中

高士不羈世頗將榮辱齊  
適委華冕去欲還幽  
林栖雖懷承明戀  
忻與物累睽逍遙觀運流  
離

復識端倪而我豈高一作能致偃息平門西  
愚者世所遺沮溺共耕犁  
風雪積深夜園田掩荒蹊  
幸蒙相思札欵曲期見携

荅暢校書當

偶然弃官去投跡在田中  
日出照茅屋園林一作  
種養愚蒙雖云無一資  
罇酌會不空且忻百穀  
成仰嘆造化功出入與民伍  
作事靡不同時伐南澗竹  
夜還澧水東貧蹇自成退  
豈爲高人蹤覽君金玉篇  
彩色發我容一作蒙  
日日欲為報方一作  
歷一作春已徂冬

荅崔都水

深夜竹庭雪孤燈案上書不遇無為化一作誰  
復得閑居

訓令孤司錄善福精舍見贈

野寺望山雪空齋對竹林我以養愚地生君道  
者心

澧上精舍荅趙氏外生伉

遠跡出塵表寓身雙樹林如何小子伉一作亦  
有超世心擔書從我遊携手廣川陰雲開夏郊  
綠景晏青山沉對榻遇清夜獻詩合一作雅音

所推苟禮數於性道豈深隱拙在冲默經世昧  
古今無為率爾言可以致華簪

荅趙氏生伉

暫與雲林別忽陪鴛鷺翔看山不得去知爾獨  
相望

荅端

郊園夏雨歇閑院綠陰生職事方無効幽賞獨  
違情物色坐如見離抱悵多盈况感夕涼氣聞  
此亂蟬鳴

荅史館張學士段柳庶子學士集賢院

看花見寄兼呈柳學士

班揚秉文史對院自為隣餘香掩閣去遲日看  
花頻似雪飄闔闔從風點近臣南宮有芳樹不  
竝禁垣春

荅王郎中

卧閣枉芳藻覽音悵秋晨守郡猶羈寓無以慰  
嘉賓野曠歸雲盡天清曉露新池荷涼已至窓  
梧落漸頻風物殊京國邑里但荒榛賦繁屬軍  
興政拙媿斯人髦士久臺閣中路一漂淪歸當  
列盛朝一作明豈念卧淮濱

荅崔都水

亭亭心中人迢迢居秦關常緘素札去一作適  
枉華章還憶在灋郊時携手望秋山久嫌官府  
勞初喜罷秩閑終年不事業寢食長慵頑不知  
為時來一作何名籍桂郎間攝衣辭田里華簪  
耀顏顏卜居又依仁日夕正追攀牧人本無術  
命至苟復遷離念積歲序歸途眇山川郡齋有  
佳月園林含清泉同心不在晏罇酒徒盈前覽  
君陳迹遊詞意俱悽妍忽忽已終日將訓不能  
宣昨稅沉重疊公門極熬煎責逋者免一作退

歲晏當歸田勿厭守窮轍一作勿厭守窮賤慎為名所牽

答王卿送別

去馬嘶春草歸人立夕陽元知數日別要使兩情傷

答裴丞說歸京所獻

執事頗勤久行去亦傷乖家貧無僮僕吏卒升寢齋衣服藏內篋藥草曝前階誰復知次第瀟落且安排還期在歲晏何以慰吾懷

答裴處士

遺民愛精舍乘犢入青山來署高陽里不遇白衣還禮賢方化俗聞風自款關况子逸群士栖息蓬蒿間

答楊奉禮

多病守山郡自得接嘉賓不見三四日曠若十餘旬臨觴獨無味對榻已生塵一味舟中作灑雪忽驚新煙波見棹旅景物具昭陳秋塘唯落葉野寺不逢人白事廷吏簡閑居丈墨親高天池閣靜寒菊霜露頻應當整孤棹歸來展殷勤

答端

坐憶故園人已老，寧知遠郡鴈還來。  
長瞻西北是歸路，獨上城樓日幾迴。

荅個奴重陽二甥

個奴趙氏甥，重陽崔氏甥。

棄職曾守拙，翫幽遂忘喧。  
山澗依磽壑，竹樹蔭清源。  
貧居煙火濕，一作絕歲熟梨棗繁。  
風雨飄茅屋，蒿草沒瓜園。  
群屬相歡悅，不覺過朝昏。  
有時看禾黍，落日上秋原。  
飲酒任真性，揮筆肆狂言。  
一朝忝蘭省，三載居遠藩。  
復與諸弟子，篇翰每相敦。  
西園休習射，南池對芳樽。  
山藥一作茵碧海榴，凌霜翻念尔。  
不同此悵然，復一論重陽。

守故家，個子旅湘沅，俱有緘。  
中藻惻惻動離魂，不知何日見衣上，淚空存。

荅重陽

省札陳往事，愴憶數年中。  
一身朝北闕，家累守田農。  
望山亦臨水，暇日每來同。  
性情一踈散，園林多清風。  
忽復隔淮海，夢想在澧東。  
病來經時節，起見秋塘空。  
城郭連榛嶺，鳥雀噪溝叢。  
坐使驚霜鬢，撩亂已如蓬。

顧十二左遷過韋蘇州房杭州韋睦州

三使君皆有郡中燕集詩辭章高麗

鄙夫之所仰慕顧生既至留連笑語  
因亦成篇以繼三君子之風焉

信州刺史劉

太貞 上

寵至乃不驚罪及非無由奔迸歷畏途緬邈赴  
偏一作荒陬牧此彫弊疇屬當賦歛秋夙興諒無  
補旬暇焉敢休前日懷友生獨登城上樓迢迢  
西北望遠思不可收今日車騎來曠然銷人憂  
晨迎東齋飯晚度南溪遊以我碧流水泊君清  
翰舟莫將遷客程不為勝境留飛札謝三守斯  
篇希見謝

酬劉侍郎使君

瓊樹凌霜雪葱蘢如芳春英賢雖出守本自下  
階人宿昔陪郎署出入仰清塵孰云俱列郡比  
德豈為鄰風雨飄海氣清涼悅心神重門深夏  
晝賦詩延衆賓方以歲月舊每蒙君子親繼作  
郡齋什遠贈荆山珍一作山城高閑一作庶務理遊眺景  
物新朋友亦遠集燕酌在佳辰始唱已慙拙將  
酬益難伸濡毫意僂俛一用寫情勤

硤州旅舍奉懷蘇州常郎中

公頗有尺  
書頗積離

鄉之  
思

令狐

峘上

儒服學從政遂爲塵事嬰銜命東復西孰堪異  
鄉情懷祿且懷恩策名敢逃名羨彼農畝人白  
首親友并江山入秋氣草木彫晚榮方塘寒露  
凝旅館涼颺生懿交守東吳夢想聞頌聲雲水  
方浩浩離憂何時平

荅令狐侍郎

一凶迺一吉一是復一非孰能逃斯理亮在識  
其微三黜故無愠高賢當庶幾但以親交戀音  
容邈難希况惜別離久俱忻藩守歸朝晏方陪

厠山川又乖違吳門冒海霧峽路凌連磯同會  
在京國相望涕沾衣明時重英才當復列彤闈  
白玉雖塵垢拂拭還光輝

酬張協律

昔人鬻菑春地今人復一賢屬余藩守日方君卧  
病年麗思阻文一作交宴芳蹤闕賓筵經時豈不  
懷欲往事屢牽公府適煩倦開緘瑩新篇非將  
握中寶何以比其妍感茲棲寓詞想復痾瘵纏  
空宇風霜交幽居情思綿當以貧非病孰云白  
未玄邑中有其人憔悴即我憇由來牧守重英



俊得薦延匪人等鴻毛斯道何由宣遭時喪早  
晚蘊器俟良緣觀文心未衰多藥疾當痊一云  
當自晨期簡牘罷馳慰子冲然

即事奉呈郎中使君

東海釣客試祕書省校書郎秦系

久卧雲間已息機青袍忽著狎鷗飛詩興到來  
無一事郡中今有謝玄暉

答秦十四校書

知掩山扉三十秋魚鬚翠碧弄牀頭莫道謝公  
方在郡五言今日爲君休

答賔

斜月纔鑿帷凝霜偏冷枕持情須耿耿故作單  
牀寢

答鄭騎曹青橘絕句

一作故人重九日  
求橘書中戲贈

憐君卧病思新橘試摘猶酸亦未黃書後欲題  
三百顆洞庭須待滿林霜

奉賀聖製重陽日賜宴

聖心憂萬國端居在穆清玄功致海晏錫讌表  
文明恩屬重陽節雨應此時晴寒菊生池苑高  
樹出宮城捧藻千官處垂戒百王程復覩開元

日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲

言歸一作伯仲亭高性情曠職密交遊稀賦詩

樂無事解帶偃南扉陽春美時澤旭霽望山暉

幽禽響未轉一作好鳥東原綠猶微名雖列仙

爵心已遣一作塵機即事同巖隱聖渥良難違

奉和張大夫戲示青山郎

天生逸世姿竹馬不曾騎覽卷冰將釋援毫露

欲垂金貂傳幾業玉樹長新枝榮祿何妨早甘

羅亦小兒

荅河南李士巽題香山寺

洛都游宦日少年携手行投杯起芳席總轡振

華纓閑塞有佳氣巖開伊水清攀林憩佛寺登

高望都城蹉跎二十載世務各所營茲賞長在

夢故人安得并前歲守九江恩召赴咸京因塗

再登歷山河屬晴明寂寞僧侶少蒼茫林木成

墻宇或崩剝不見舊題名舊遊况存歿獨此淚

交橫交橫誰與同書壁貽友生今茲守吳郡綿

思方未平子復經陳迹一感我深情遠蒙惻愴

篇中有金玉聲及覆終難荅金玉尚為輕

荅故人見諭

素寡名利心自非周圓器徒以歲月資屢蒙藩  
條寄時風重書札物情敦貨遺機杼十縑單慵  
踈百函愧常負交親責且為一官累况本獲落  
人歸無置錐地省己已知非枉書見深致雖欲  
効區區何由枉其志

訓閻員外陟

寒夜阻良覲叢竹想幽居虎符予已誤金丹子  
何如醮集觀農暇笙歌聽訟餘雖蒙一言教自

愧道情踈

逢遇

長安遇馮著

客從東方來衣上灞陵雨問客何為來一作未  
采山因買斧冥冥花正開一作滿颺颺新乳昨  
別今已春鬢絲生幾縷

將發楚州經寶應縣訪李二忽於州館

相遇月夜書事因簡李寶應

孤舟欲夜發祗為訪情人此地忽相遇留連意  
更新停杯嗟別久對月言家貧一問臨叩令如

何待上賓

廣陵遇孟九雲卿

雄藩本帝都遊士多俊賢  
夾河樹鬱鬱華館千里連  
新知雖滿堂中意頗未宣  
忽逢翰林友歡樂斗酒前  
高文激頽波四海靡不傳  
西施且一笑衆女安得妍  
明月滿淮海哀鴻逝長天  
所念京國遠我來君欲

一作還一作旋

淮上遇洛陽李主簿

結茅臨古渡卧見長淮流  
窓裏人將老門前樹已秋  
寒山獨過鴈暮雨遠來舟  
日夕逢歸客那

能忘舊遊

路逢崔元二侍御避馬見招以詩戲贈

一臺稱二妙歸路望行塵  
俱是攀龍客空爲避馬人  
見招翻跼踏相問良殷動  
日日吟趨府彈冠豈有因

逢楊開府

少事武皇帝無賴恃恩私  
身作里中橫家藏亡

命兒朝持

一作提樗蒲局暮竊東鄰姬司

敢捕立在

一作白玉墀驪山風雪夜長楊

時一字都不識飲酒肆頑癡  
武皇升仙去

何待上賓

廣陵遇孟九雲卿

雄藩本帝都遊士多俊賢  
夾河樹鬱鬱華館千里連  
新知雖滿堂中意頗未宣  
忽逢翰林友歡樂斗酒前  
高文激頽波四海靡不傳  
西施且一笑衆女安得妍  
明月滿淮海哀鴻逝長天  
所念京國遠我來君欲

一作還一作旋

淮上遇洛陽李主簿

結茅臨古渡卧見長淮流  
窻裏人將老門前樹已秋  
寒山獨過鴈暮雨遠來舟  
日夕逢歸客那

能忘舊遊

路逢崔元二侍御避馬見招以詩戲贈

一臺稱二妙歸路望行塵  
俱是攀龍客空爲避馬人  
見招翻跼踏相問良殷勤  
日日吟趨府彈冠豈有因

逢楊開府

少事武皇帝無賴恃恩私  
身作里中橫家藏亡命兒  
朝持一作提樗蒲局暮竊東鄰姬  
司隸不敢捕立在一作白玉墀  
驪山風雪夜長楊羽獵時  
一字都不識飲酒肆頑癡  
武皇升仙去憔悴

被人欺讀書事已晚把筆學題詩兩府始收跡  
南宮謬見推非才果不容出守撫婢嫠忽逢楊  
開府論舊涕俱垂坐客何由識唯有故人知  
休假日訪王侍御不遇  
九日驅馳一日閑尋君不遇又空還恠來詩思  
清人骨門對寒流雪滿山

因省風俗訪道士姪不見題壁

去年澗水今亦流去年杏花今又拆山人歸來  
問是誰還是去年行春客

韋蘇州集卷第五

韋蘇州集卷第六

蘇州刺史韋應物

懷思

有所思

借問堤上柳青青爲誰春空遊昨日地不見昨  
日人繚繞萬家井往來車馬塵莫道無相識要  
非心所親

暮相思

朝出自不還暮歸花盡發豈無終日會惜此花  
間月空館忽相思微鍾坐來歇

未成  
作求

夏夜憶盧嵩

靄靄高館暮開軒  
條煩襟不知湘雨來  
蕭洒在  
幽林一云不知微蕭洒山鳥鳴幽林炎月得涼夜芳罇誰與斟  
故人南北居累月間徽音人生無閑日歡會當  
在今反側候天旦層城苦沉沉

春思

野花如雪繞江城  
坐見年芳憶帝京  
閭闔曉開  
凝碧樹曾陪鴛鴦聽流鶯

春中憶元二

雨歇萬井春柔條已含綠  
徘徊洛陽陌惆悵杜

陵曲遊絲正高下啼鳥還斷續  
有酒今不同思君瑩如玉

懷素友子西

廣陌並遊騎公堂接華襟  
方歡遽見月未日獨  
沉吟階暝流暗駛氣踈露已侵  
層城湛深夜片月生幽林  
往歎良未遂來覲曠無音  
恒當清觴宴思子玉山岑  
耿耿何以寫密言空委心

對韓少尹所贈硯有懷

故人謫遐遠留硯寵斯文  
白水浮香墨清池滿  
夏雲念離心已未感物思徒紛  
未有桂陽使裁

書一報君

月晦憶去年與親友曲水遊讌

晦賞念前歲京國結良儔騎出宣平里飲對曲  
池流今朝隔天末空園傷獨遊雨歇林光變塘  
綠鳥聲幽凋朧積逋稅華鬢集新秋誰言戀虎  
符終當還舊丘

清明日憶諸弟

冷食方多病開襟一忻然終令思故郡烟火滿  
晴川杏粥猶堪食榆莢已稍煎唯恨乖親燕坐  
度此芳年

池上懷王卿

山居捐世事佳雨散園坵夕入門霽已綠水禽鳴  
春塘重雲始成夕忽霽出回殘陽輕舟因風泛郡  
閣望蒼蒼私燕阻外好怡陶歡一停觴茲遊無時  
盡旭日願相將

立夏日憶京師諸弟

改序念芳辰煩襟倦日永夏木已成陰公門晝  
恒靜長風始飄閣疊雲纔吐嶺坐想離居人還  
當惜徂景一作光景

曉至園中憶諸弟崔都水



山郭恒悄悄林月亦娟娟景清神已澄一作事  
簡慮絕牽秋塘偏衰必早曉露洗紅蓮不見心所  
愛茲賞豈爲妍

懷瑯琊深標一釋子

白雲埋大壑陰崖滴上夜泉應居西石室月照山  
蒼然

雨夜感懷

微雨灑高林塵埃自<sub>故</sub>散耿耿心未平沉沉夜  
方半獨驚長簟冷遽<sub>而</sub>見愁鬢換誰能當此夕不  
有盈襟歎

雲陽館懷谷口

清泚階下流云自谷口源念昔白衣士結廬在  
石門道高杳無累景靜得忘言山夕綠陰滿世  
移清賞存吏役豈遑暇幽懷復朝昏雲泉非所  
濯蘿月不可援長往遂真性暫遊恨卑喧出身  
既事世高躅難等論

憶澧上幽居

一來當復去猶此厭樊籠况我林栖子朝服坐  
南宮唯獨問啼鳥還如澧水東

重九登滁城懷憶前歲九日歸澧上赴

崔都水及諸第讌集悽然懷舊

今日重九讌去歲在京師聊迴出省步一赴郊  
園期佳節始云邁周曆已及茲秋山滿清景當  
賞屬乖離凋散民里闕摧翳衆木衰樓中一長  
嘯惻愴起涼颼

始夏南園思舊里

夏首雲物變雨餘草木繁池荷初帖水林花已  
掃園繁叢蝶尚亂依閣鳥猶喧對此殘芳月憶  
在漢陵原

登蒲塘驛公路見泉谷村墅忽想京師

舊居追懷昔年

青山導騎逸春風行旆舒均徭視屬城問疾躬  
里閭煙水依泉谷川陸散樵魚忽念故園日復  
憶驪山居荏苒班鬢及夢寢婚宦初不覺平生  
事咄嗟二紀餘存沒闕已求悲多歡自踈高秩  
非爲羨闡干浹盈裾

行旅

經函谷關

洪河絕山根單軌出其側萬古爲要樞往來何  
時息秦皇既恃險海內被吞食及嗣同覆顛咽

喉莫能塞炎靈詎西駕妻子非經國徒欲扼諸  
侯不知恢至德聖朝及天寶豺虎起東比下沉  
戰死魂上結窮寃色古今雖共守成敗良可識  
藩屏無俊賢金湯獨何力馳車一登眺感慨中  
自惻

經武功舊宅

茲邑昔所遊嘉會常在目歷載俄二九始往今  
來復感感居人少茫茫野田綠風雨經舊墟毀  
垣迷往躅門臨川流駛樹有羈雌宿多累恒悲  
往長年覺時速欲去中復留徘徊結心曲

一作能作

往

住雲門郊居塗經迴流作

絃晨迺休暇適往田家盧原谷徑塗澁春陽草  
木敷統遵板橋曲復此清澗紆崩壑方見射迴  
流忽已舒明滅泛孤景杳靄含夕虛無將爲邑  
志一酌澄波餘

乘月過西郊渡

遠山含紫氛春野靄云暮值此歸時月留連西  
澗渡謬當文墨會得與群英遇賞逐亂流翻心  
將清景悟行車儼未轉芳草空盈步已舉候亭

火猶愛村原樹還當守故菴恨恨乖幽素

晚歸澧川

凌霧朝闌闔落日返清川簪組方暫解臨水一  
脩然昆弟忻來集童稚滿眼前適意在無事携  
手望秋田南嶺橫爽氣高林繞遙阡野廬不鋤  
理翳翳起荒烟名秩斯逾分庶退媿不全已想  
平門路晨騎復言旋

授衣還田里

公門懸甲令澣濯遂其私晨起懷愴恨野田寒  
露時氣收天地廣風淒草木衰山明始重疊川

更透迤煙火生閭里禾黍積東菑終然可樂  
業時節一來斯

夕次盱眙縣

落帆逗一作透淮鎮停舫臨孤驛浩浩風起波冥  
冥日沉夕人歸山郭暗鴈下蘆洲白獨夜意秦  
關聽鍾未眠客

春月觀省屬城始憩東西林精舍

因時省風俗布惠迨高年建隼出潯陽整駕遊  
山川白雲歛晴壑群峯列遙天嶽嶠石門狀杳  
靄香爐煙榛荒屢曾星遙側殆覆顛方臻釋氏

廬時物屢華妍曇遠昔經始於茲闕幽玄東西  
竹林寺灌注寒澗泉人事既云浪歲月復已綿  
殿宇餘丹紺磴閣峭欹懸佳士亦棲息善身絕  
塵緣今我蒙朝寄教化敷里鄗道妙苟爲得出  
處理無偏心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱  
紛衍崎嶇綠碧澗蒼翠踐苔蘚高樹夾潺湲崩  
石橫陰巘野杏依寒折餘雲冒嵐淺性愜形豈  
勞境殊路遺緬憶昔終南下佳遊亦屢展時禽

下流暮紛思何由遣

山行積雨歸塗始霽

攬轡窮登降陰雨遘二旬但見白雲合不覩巖  
中春急澗豈易揭峻塗良難遵深林猿聲冷沮  
如虎跡新始霽升陽景山水閱清晨雜花積如  
霧百卉萋已陳鳴騶屢驤首歸路自忻忻

感歎

傷逝

此後嘆世哀傷十九首盡同  
德精舍舊居傷懷時所作

染白一爲黑焚木盡成灰念我室中人逝去亦  
不迴結髮二十載賓敬如始來提攜屬時屯契

閨憂患災柔素亮爲表禮章夙所該仕公不及  
私百事委令才一旦入閨門四屋滿塵埃斯人  
既已矣觸物但傷摧單居移時節泣涕撫嬰孩  
知妄謂當遣臨感要難裁夢想忽如睹驚起復  
徘徊此心良無已遠屋生蒿菜

往富平傷懷

晨起凌嚴霜慟哭臨素帷駕言百里塗惻愴復  
何爲昨者仕公府屬城常載馳出門無所憂返  
室亦熙熙今者掩筠扉但聞童稚悲丈夫須出  
入顧爾內無依銜恨已酸骨何況苦寒時單車  
路蕭條迴首長透遲飄風忽截野嘹唳鴈起飛  
昔時同往路獨往今距知

出還

昔出喜還家今還獨傷意入室掩無光銜哀寫  
虛位悽悽動幽慢寂寂驚寒吹幼女復何知時  
來庭下戲咨嗟日復老錯莫身如寄家人勸我  
食對按空垂淚

冬夜

杳杳日云夕鬱結誰爲開單衾自不暖霜霰已  
皚皚晚歲淪夙志驚鴻感深哀深哀當何爲桃

李忽凋摧幃帳徒自設冥冥豈復來平生雖恩  
重遷去託窮埃抱此女曹恨顧非高世才振衣  
中夜起河漢尚徘徊

送終

奄忽逾時節日月獲其良蕭蕭車馬悲祖載發  
中堂生平同此居一旦異存亡斯須亦何益終  
復委山岡行出國南門南望鬱蒼蒼日入乃云  
造慟哭宿風霜晨遷俯玄廬臨訣但遑遑方當  
永潛翳仰視白日光俯節遽終畢封樹已荒涼  
獨留不得還欲去結中腸童稚知所失啼號捉

我裳即事猶倉卒歲月始難忘

除日

思懷耿如昨季月已二云暮忽驚年復新獨恨人  
成故冰池始泮綠梅一作梅作一作梅還飄素淑景方轉  
延朝朝自難度

對芳樹

迢迢芳園樹列映清池曲對此傷人心還如故  
時綠風條灑餘靄露葉承新旭佳人不耳攀下  
有往來躅

月夜

皓月流春城華露積芳苔  
十坐念綺窓空翻傷清  
景好清景終若斯傷多人  
自老

歎楊花

空蒙不自定况值暄風度  
舊賞逐流年新愁忽  
盈素纜縈下苑曲稍滿東  
城路人意有悲歡時  
芳獨如故

過昭國里故第

不復見故人一來過故宅  
物變知景暄心傷覺  
時寂池荒野筠合庭綠幽  
草積風散花意謝鳥  
還啼一作山光夕宿昔方同賞  
詎知今念昔緘室

在東廂遺器不忍覲柔翰全分意  
芳巾尚染澤  
殘工委篋篋餘素經刀尺收此還  
我家將還復  
愁惕永絕携手歡空存舊行迹  
冥冥獨無語杳  
杳將何適唯思今古同時緩傷與戚

夏日

已謂心苦傷如何日方未無人  
不晝寢獨半山  
中靜悟澹將遣慮學空庶遺境  
積俗易為侵愁  
來復難整

端居感懷

沉沉積素抱婉婉屬之子  
未日獨無言忽驚振



衣起方如在幃室復悟求終已稚子傷恩絕盛  
時若流水暄涼同寡趣朗晦俱無理寂性常喻  
人滯情今在已空房欲云暮巢鷺亦來止夏木  
遽成陰綠苔誰復履感至竟何方幽獨長如此

悲紈扇

非關秋節至詎是恩情改掩頰人已無委篔簹涼  
空在何言永不發暗使銷光彩

閑齋對雨

幽獨自盈抱陰淡亦連朝空齋對高樹踈雨共  
蕭條巢鷺翻泥濕蕙花依砌消端居念往事倏

忽苦驚颿

林園晚霽

雨歇見青山落日照園林山多一作煙鳥亂林  
清風景翻提携唯子弟蕭散在琴言同遊不同  
意耿耿獨傷魂寂寞鍾已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒  
雨滴微風時動牖殘燈尚留壁惆悵平生懷偏  
來委今夕

霜露已凄漫星漢復昭回朔風中夜起驚鴻千

里來蕭條涼葉下寂寞清砧哀歲晏仰空宇心  
事若寒灰

感夢

歲月轉蕪漫形影長寂寥髮鬢靚微夢感嘆起  
中宵綿思霽流月驚魂颯迴颯誰念茲夕未坐  
令顏鬢凋

同德精舍舊居傷懷

洛京十載別東林訪舊扉山河不可望存沒意  
多遠時遷跡尚在同去獨來歸還見心中鷓日  
暮遶庭飛

悲故交

白壁衆求瑕素絲易成汗萬里顛沛還高堂已  
長暮積憤方盈抱纏哀忽逾度念子從此終黃  
泉竟誰訴一爲時事感豈獨平生故唯見荒丘  
原野草塗朝露

張彭州前與緱氏馮少府各惠寄一篇  
多故未答張已云沒因追哀叙事兼遠

簡馮生

君昔掌文翰西域復石渠朱衣乘白馬輝光照  
里閭余時忝南省接讌媿空虛一別守茲郡蹉

塘歲再除常懷関河表永日簡牘餘郡中有方  
馳凉閣對紅渠金玉蒙遠貺篇詠見吹噓未荅  
平生意已沒九原居秋風吹寢門長慟涕連如  
覆視緘中字奄爲昔人書髮鬢已云白交友日  
彫踈馮生遠同恨憔悴在田廬

東林精舍見故殿中鄭侍御題詩追舊

書情涕泗橫集因寄呈闕澧州馮少府

仲月景氣佳東林一登歷中有故人詩淒涼在

高壁精思長懸一作懷世音容已歸寂墨澤傳麗

餘磨滅親翰跡平生忽如夢百事皆成昔結騎

京華年揮文篋筭積朝廷重英彥時輩分珪璧  
求謝栢梁陪獨闕金門籍方嬰存沒感豈暇林  
泉適雨餘山景寒風散花光夕新知雖滿堂故  
情誰能覲唯當同時友緘寄空悽感

同李二過亡友鄭子故第李與之故非予所識

客車名未滅沒世恨應長斜月知何照幽林判  
自芳故人驚逝水寒雀噪空牆不是平生舊遺  
蹤要可傷

話舊亭中對兄姊話蘭陵崇賢懷貞已來故事法然而作

存亡三十載事過悉成空不惜霑衣淚併話一

宵中

至開化里壽春公故宅

寧知府中吏故宅一徘徊歷階存往敬瞻位泣  
餘哀廢井沒荒草陰牖生綠苔門前車馬散非  
復昔時來

睢陽感懷

豺虎犯天綱昇平無內備長驅陰山卒畧踐三  
河地張侯本忠烈濟世有深智堅壁梁宋間遠  
籌吳楚利窮年方絕輸鄰援皆獲貳使者哭其  
庭救兵終不至重圍雖可越藩翰諒難奔飢喉

待危巢懸命中路墜甘從鋒刃斃莫奪堅貞志  
宿將降賊庭儒生獨全義空城唯白骨同往無  
賤貴哀哉豈獨今千載當歎欷

廣德中洛陽作

生長太平日不知太平歡今還洛陽中感此方  
苦酸飲藥本攻病毒腸翻自殘王師涉河洛玉  
石俱不完時節屢遷斥山河長鬱盤蕭條孤煙  
絕日入空城寒蹇劣乏高步緝遺守微官西懷  
咸陽道躑躅心不安

閩門懷古

獨鳥下高樹遙知吳苑園淒涼千古事日暮倚  
閭門

感事

霜雪皎素絲何意墜墨池青蒼猶可濯黑色不  
可移女工再三嘆委弃當此時歲寒雖無褐機  
杼誰肯施

感鏡

鑄鏡廣陵市菱花匣中發宿昔嘗許人鏡成人  
已沒如冰結圓器類壁無絲髮形影終不臨清  
光殊不歇一感平生言松枝樹秋月

嘆白髮

還同一葉落對此孤鏡曉絲縷乍難分楊花復  
相繞時後人易衰吾年白猶少

韋蘇州集卷第七

蘇州刺史韋 應物

登眺

登高望洛城作

高臺造雲端遐瞰周四垠雄都定鼎地勢據萬國尊河岳出雲雨土圭酌乾坤舟通一作盈南越

貢城背北邙原帝宅夾清洛丹霞捧朝暎葱蘢

瑤臺榭窈窕雙闕門十載構屯難兵戈若一作夕

雲屯膏腴滿榛蕪比屋空毀垣聖主乃東眷俾

賢拯元元熙熙居守化泛泛太府恩至損當一作

方受益苦寒必生温平明四城開稍見市井喧  
坐感理亂迹未懷經濟言吾生自不達空鳥何  
翩翩天高水流遠日晏城郭昏徘徊訖旦夕聊  
用寫憂煩

同德寺閣集眺

芳節欲云晏遊遨樂相從高閣照丹霞颺颺含  
遠風寂寥氛氲廓超忽神慮空旭日霽皇州岩  
堯見兩宮嵩少多秀色群山莫與崇三川浩東  
注溼澗亦來同陰陽降太和宇宙得其中舟車  
滿川陸四國靡不通舊堵今已葺庶甿亦已豐

周覽思自奮行當遇時節

登寶意寺上方舊遊

寺在武功  
曾居此寺

翠嶺香臺出半天萬家煙樹滿晴川諸僧近住  
不相識坐聽微一作鍾記往年

登樂遊廟作

高原出東城鬱鬱見咸陽上有千載事乃自漢  
宣皇頽孺父凌遲陳迹翳丘荒春草雖復綠驚  
風但飄揚周覽京城內雙闕起中央微鍾何處  
來暮色忽蒼蒼歌吹喧萬井車馬塞康莊昔人  
豈不爾百世同一傷一作歸當守冲漠跡寓心

自忘

登西南岡卜居遇雨尋竹浪至澧孺紫  
帶數里清流茂樹雲物可賞

登高創危構林表見川流微雨颯已至蕭條川

氣秋下尋密竹盡忽曠沙際遊紆直水分野綿

延稼盈疇寒花明廢墟樵牧笑榛丘雲水成一

交陰澹竹樹更清幽適自戀佳賞一作適自愜  
賞又一作

幽復茲未日留

澧上與幼邀月夜登西岡翫花

置酒臨高隅佳人自城闕已翫滿川花還看滿

川月花月方浩然賞心何由歇

臺上遲客

高臺一悄望一作望遠樹間朝暉但見東西騎端

令心賞違始霽郊園綠暮春啼鳥稀徒然對芳

物何能獨醉歸

登樓

茲樓日登眺流歲暗蹉跎坐厭淮南守秋山紅

樹多

善福寺閣

殘霞照高閣青山出遠林晴明一登望蕭洒此



幽襟

樓中月夜

端令倚懸檻長望抱沉憂寧知故園月今夕在  
茲樓衰蓮送餘馥華露湛新秋坐見蒼林變清  
輝愴已休一作收

寒食後北樓作

園林過新節風花亂高閣遙聞繫鼓聲蹴鞠軍  
中樂

西樓

高閣一長望故園何日歸煙塵擁一作函谷秋

鴈過來稀

夜望

南樓夜已寂暗鳥動林間不見城郭事沉沉唯  
西山

晚登郡閣

悵然高閣望已掩東城關春風偏送柳夜景款  
沉山

登重玄寺閣

時暇陟雲構晨霽澄景光始見吳都一作郡大十  
里鬱蒼蒼山川表明麗湖海吞大荒合沓臻水

陸駢闐會四方俗繁節又暄雨順物亦康禽魚  
各翔泳草木遍芬芳於茲省忙俗一用勸農桑  
誠知虎符忝但恨歸路長

遊覽五十八首

觀早朝

伐鼓通嚴城車馬溢廣墀煌煌列明燭朝服照  
華鮮金門杳深沉尚聽清漏傳河漢忽已沒司  
閤啓晨闈丹殿據龍首崔嵬對南山寒生千門  
裏日照雙闕間禁旅下城列鑪香起中天輝輝  
觀明聖濟濟行音航俊賢媿無鴛鴦姿短翮空

飛還誰當假毛羽雲路相追攀

陪元侍御春遊

何處醉春風長安西復東不因俱罷職豈得此  
時同貰酒宣平里尋芳下苑中往來楊柳陌猶  
避昔年驄

遊龍門香山泉

山水本自佳遊人已忘慮碧泉更幽絕賞愛未  
一作能去潺湲瀉幽磴繚繞帶一作嘉樹激轉  
忽殊流歸泓又同注羽觴自成一作翫未日亦  
延趣靈草有時香仙山一作源不知處還當候圓

月携手重遊寓

龍門遊眺

鑿山導伊流中斷若天闕都門遙相望佳氣生

朝夕素懷出塵意適有携手客精舍遶一作繚層

阿千龕鄰一作峭壁緣雲路猶緬憇澗鍾已寂

花樹發煙華淙流散石脉長嘯招遠風臨潭漱

金碧日落望都城人間何役役一作作徘徊長還駕城關多物役

洛都遊寓

東風日已和元化亮無私草木同時植生條有

高卑罷官守園廬豈不懷渴飢窮通非所干跼

從當何為佳辰幸可遊親友亦相追朝從華林  
宴暮返東城期掇英出蘭臯翫月步川坻軒冕  
誠可慕所憂在繫維

再遊龍門懷舊侶嘗與竇黃州洛陽韓丞澠池李丞密鄭二

尉同

兩山鬱相對晨策方上千靄靄眺都城悠悠俯  
清瀾邈矣二三子茲焉屢遊盤良時忽已周獨  
往念前歡好鳥始云至眾芳亦未闌遇物豈殊  
昔慨傷自有端

莊嚴精舍遊集

良遊因時暇乃在西南隅綠煙凝層城豐草滿  
通衢精舍何崇曠煩跼一弘舒架虹施廣蔭構  
雲眺八區即此塵境遠忽聞幽鳥殊新林一作秋  
泛景光叢綠含露孺末日亮難遂平生少歡娛  
誰能遽還歸幸與一作得高士俱

府舍月遊

官舍一作寺耿深夜佳月喜同遊橫河俱半落泛  
露忽驚秋散彩踈群樹分規澄素流心期與浩  
景蒼蒼殊未收

任鄆令羨陂遊眺

野水艷長塘煙花亂晴日氛氳綠樹多蒼翠千  
山出遊魚時可見新荷尚未密屢往心獨閑恨  
無理人術

西郊遊曠

東風散餘泫陂水淡已綠一作綠烟芳何處尋香  
靄春山曲新禽哢暄節晴光泛嘉木一與諸君  
遊華觴忻見屬

再遊西郊渡

水曲一追遊遊人重懷戀嬋娟昨夜月還向波  
中見驚禽棲不定流芳寒未徧攜手更何時佇

看花似霰

月溪與幼遐君貺同遊

時二子還城

岸篠覆迴溪迴溪曲如月沉沉水容綠寂寂流

鶯歌

一作鶯初歌

淺石方凌亂遊禽時出沒半雨夕

陽霏綠源雜花發明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深

潭黑密竹已成暮歸雲殊未極春鳥依谷暄紫

蘭含幽色已將芳景遇復款平生憶終念一歡

別臨風還默默

秋夕西齋與僧神靜遊

晨登西齋望不覺至夕曛正當秋夏交原野起

煙氛坐聽涼颺舉華月稍披雲漠漠山猶隱灑

灑川始分物幽夜更殊境靜與彌臻息機非傲

世于時之嘉聞究空自爲理况與釋子群

觀田家

微雨參卉新一雷驚蟄始田家幾日閑耕種從

此起丁壯俱在野場圃亦就理歸來景常晏飲

犢西澗水飢劬不自苦膏澤且爲喜倉廩無宿

儲徭役猶未已方慙不耕者祿食出閭里

園亭覽物

積雨時物變夏綠滿園新殘花已落實高筍半  
成筠守此幽棲地自是忘機人

觀澧水漲

夏雨萬壑湊澧漲暮渾渾草木盈川谷澶漫一  
平吞槎梗方瀰泛濤沫亦洪翻北來注涇渭所  
過無安源雲嶺同昏黑觀望悸心蒐舟人空歛  
掉風波正自奔漲一作流

陪王卿郎中遊南池

鵝鴻俱失侶同爲此地遊露浥荷花氣風散柳

園秋烟草凝衰嶼星漢泛歸流林高初上月塘  
深未轉舟清言屢往復華樽始獻酬終憶秦川  
賞端坐起離憂

南園陪王卿遊矚

形跡雖拘檢世事淡無心郡中多山水日夕聽  
幽禽几閣文墨暇園林春景深雜花芳意散綠  
池暮色沉君子有高躅相攜在幽尋一酌何爲  
貴可以寫冲襟

遊西山

時事方擾擾幽賞獨悠悠弄泉朝涉澗采石夜

歸州揮翰題蒼峭下馬歷嵌丘所愛唯山水到此即淹留

春遊南亭

川明氣已變巖寒雲尚擁南亭草心綠春塘泉脉動景煦聽禽響雨餘看柳重逍遙池塘華益媿專城寵

再遊西山

南譙古山郡信是高人居自歎之弘量終朝親簿書於時忽命駕秋野正蕭疎積逋誠待責尋山亦有餘測測石泉冷曖曖煙谷虛中有釋門

子種男

一作藥

結茅廬出身馱名利遇境即躊躇

守直雖多忤視險方晏如况將塵埃外襟抱從此舒

遊靈巖寺

始入松路求獨忻山寺幽不知臨絕檻乃見西江流吳岫分煙景楚甸散林丘方悟閑塞眇重軫故園愁聞鍾戒歸騎憇澗惜良遊地踈泉谷狹春深草木稠茲馬賞未極清景一作澹期杪秋與盧陟同遊求定寺北池僧齋

密竹行已遠子規啼更深綠池芳草氣閑齋春

樹陰晴蝶飄蘭逕遊蜂遶花心不遇君携手誰  
復此幽尋

遊溪

野水煙鶴唳楚天雲雨空翫舟清景晚垂釣綠  
蒲中落花飄旅衣歸流澹清風緣源不可極遠  
樹但青葱

遊開元精舍

夏衣始輕體遊步愛僧居果園新雨後香臺照  
日初綠陰生晝靜一作寂孤花表春餘符竹方爲  
累形跡一米踈

襄武館遊眺

州民知禮讓訟簡得遨遊高亭憑古地山川當  
暮秋是時秔稻熟四望盡田一作疇仰恩慙政  
拙念勞喜歲收澹泊風景晏繚繞雲樹幽節往  
情惻惻天高思悠悠嘉賓幸雲集芳罇始淹留  
還希習池賞一作還喜曲池濱聊以駐鳴騶

秋景詣瑯琊精舍

屢訪塵外跡未窮幽賞情高秋天景遠始見山  
水清上陟巖殿憇暮看雲壑平蒼茫寒色起迢  
遞晚鍾鳴意有清夜戀身爲符守嬰悟言一作愛



緇衣子瀟洒中林行

同韓郎中閑庭南望秋景

朝下抱餘素地高心本閑如何趨府客罷秩見  
秋山踈樹共寒意遊禽同暮還因君悟清景西  
望一開顏

慈恩精舍南池作

清境豈云遠炎氛忽如遺重門布綠陰菡萏滿  
廣池石髮散清淺林光動漣漪綠崖摘紫房扣  
檻集靈龜浥浥餘露氣馥馥幽襟披積喧忻物  
曠耽翫覺景馳明晨復趨府幽賞當及思

雨夜宿清都觀

靈颯動闐闐微雨洒瑶林復此新秋夜高閣正  
沉沉曠歲恨殊跡茲夕一被襟洞戶含涼氣網  
軒構曾陰沉自展良友芳罇遂盈斟適悟委前  
妄清言怡道心豈戀腰間綬如役籠中禽

善福精舍秋夜遲諸君

廣庭獨閑步夜色方湛然丹閣已排雲皓月更  
涼高誅古人篇撫已亮無庸結交賴群賢屬予  
翹思時方子中夜眠相去隔城闕佳期屢徂遷

一作高懸繁露降秋節蒼林鬱芊芊仰觀天氣

一作如何日夕待見月三四圓

東郊

吏舍跼終年出郊曠清曙楊柳散和風青山澹  
吾慮依叢適自憇綠澗還復去微雨靄芳原春  
鳩鳴何處樂幽心屢止遵事跡猶遽終罷斯一作  
期結廬慕陶真可庶

秋郊作

清露澄境遠旭日照臨初一望秋山靜蕭條形  
迹踈登原忻時稼采菊行故墟方頭沮溺耦淡  
泊守田廬

行寬禪師院

北望極長廊斜扉映一作掩叢竹亭午一來尋院

幽僧亦獨唯聞山鳥啼愛此林下宿

神靜師院

青苔幽巷徧新林露氣微經聲在深竹高齋獨  
掩扉憇樹愛嵐嶺聽禽悅朝暉方耽靜中趣自  
與塵事違

精舍納涼

山景寂已晦野寺變蒼蒼夕風吹高殿露葉散  
林光清鍾始戒夜幽禽尚歸翔誰復掩扉卧不

詠南軒涼

藍嶺精舍

石壁精舍高排雲聊直上佳遊愜始願忘險得  
前賞崖傾景方晦谷轉川如掌綠林含蕭條飛  
閣起弘敞道人上方至深夜還獨往日落群山  
陰天秋百泉響所嗟累已成安得長偃仰

道晏寺主院

北鄰有幽竹潛筠穿我廬往來地已密心樂道  
者居殘花迴往節輕篠蔭夏初聞鍾比窓起嘯  
傲永日餘

義演法師西齋

結茅臨絕岸隔水聞清磬山水曠蕭條登臨散  
情性稍指綠原騎還尋汲澗徑長嘯倚亭樹悵  
然川光暝

澄秀上座院

繚繞西南偶鳥聲轉幽靜秀公今不在獨禮高  
僧影林下器未收何人適煮茗

至西峯蘭若受田婦饋

攀崖復綠澗遂造幽人居鳥鳴泉谷暖土起萌  
甲舒聊登石樓憇下翫潭中魚田婦有嘉獻潑

撒新歲餘常恠投錢飲事與賢達踈今我何為  
咎鰥寡欲馬如

曇智禪師院

高年不復出門徑一作衆草生時夏方新雨果  
藥發餘榮踈澹下林景流暮幽禽情身名兩俱  
遣獨此野寺行

起度律師同居東齋院

釋子喜相偶幽林俱避喧安居同僧夏清夜諷  
道言對閣景恒晏步庭陰始繁逍遙無一事松  
風入南軒

遊瑯琊山寺

受命恤人隱茲遊久未遑鳴騶響幽澗一作前  
旌耀崇岡青冥臺砌寒綠縵草木香填壑躋花  
界壘石構雲房經製隨巖轉繚繞豈定方新泉  
泄陰壁高蘿蔭綠塘攀林一栖止飲水得清涼  
物類誠可遣疲忙終未忘還歸坐郡閣但見山  
蒼蒼

同越瑯琊山趙氏生碑強

石門有雪無行跡松壑凝煙滿衆香餘食施庭  
寒鳥下破衣掛樹老僧亡

詣西山深師

曹溪舊弟子何緣住此山世有征戰事心將流  
水閑掃林驅虎出宴坐一林間藩守寧為重擁  
騎造雲關

尋簡寂觀瀑布

躡石欹危過急澗攀崖迢遞弄懸泉猶將虎竹  
為身累欲付歸人絕世緣

簡寂觀西澗瀑布下作

淙一作深流絕壁散虛煙翠澗深叢際松風起飄  
來灑塵襟窺蘿翫猿鳥解組傲雲林茶果邀真

侶觴酌洽同心曠歲懷茲賞行春始重尋聊將  
橫吹笛一寫山水音

遊南齋

池上鳴佳禽僧齋日幽寂高林晚露清紅藥無  
人摘春水不生煙荒岡筠翳石不應朝夕遊良  
為蹉跎客

南園

清露夏天曉荒園野氣通水禽遙泛雪池蓮迥  
披紅幽林詎知暑環丹似不窮頓灑塵喧意長  
嘯滿襟風

西亭

亭宇麗朝景  
簾牖散暄風  
小山初構石  
珍樹三  
然紅弱藤已  
扶援幽蘭欲  
成叢芳心幸  
如此佳  
人時不同

夏景園廬

群木晝陰靜  
北窓涼風多  
閑居逾時節  
夏雲已  
嵯峨塞葉愛  
繁綠綠澗弄  
驚波豈為論  
風志對  
此青山何

夏至避暑北池

晝晷已云極  
宵漏自此長  
未及施政教  
所憂變

炎涼公門日  
多暇是月農  
稍忙高居念  
田里苦  
熱安可當  
亭午息群物  
獨遊愛方塘  
門閉陰寂  
寂城高樹蒼  
蒼綠筠尚含  
粉圓荷始散  
芳於焉  
洒煩抱可以  
對華觴

題從姪成緒西林精舍書齋

棲身齒

一作始

多暮息心君  
獨少慕謝始  
精文依

僧欲觀妙冽  
泉前階注清  
池北窓照果  
藥雜芬  
敷松筠踈蒨  
峭履躋幽人  
境每肆芳辰  
眺採粟  
玄猿窟擷芝  
丹林嶠紵衣  
豈寒禦蔬食  
非飢療  
雖甘巷北單  
一作簞  
豈塞青紫耀  
都有優賢榻  
朝

編貢士詔欲同一作朱輪載勿憚移文請

題鄭弘憲侍御遺愛草堂

居士近依僧青山結茆屋踈松映嵐晚春池含  
苔綠繁華冒陽嶺新禽響幽谷長嘯攀喬林某  
茲高世躅

同元錫題瑯琊寺

適從郡邑喧又茲三伏熱山中清景多石罅寒  
泉潔花香天界事松竹人間別殿分嵐嶺明磴  
臨懸一作壑絕昏旭窮陟降幽顯盡披閱嶽  
嶺駭風雨區寒知龍蛇宥情虛澹泊生境寂塵

安滅經世豈非道無為厭車轍一作轍

題鄭拾遺草堂

借地結茅棟橫竹掛朝衣秋園雨中綠幽居塵  
事違陰一作涼井夕蟲亂高林霜果稀子有白雲  
意構此想巖扉

韋蘇州集卷第八

蘇州刺史韋應物

雜興

詠玉

乾坤有精物至寶無文章雕琢為世器真性一朝陽

詠露珠

映物隨顏色含空無表裏持來向明月的皦愁成水

詠珊瑚



絳樹無花葉非石亦非瓊世人何處得蓬萊石  
上生

詠瑠璃

有色同寒水無物隔纖塵象遙看不見堪將對  
玉人

詠琥珀

曾為老茯神本是寒松液蚊蚋落其中千年猶  
可覲

仙人祠

倉岑古仙子清廟閔華容千載去寥廓白雲遺

舊蹤歸來灞陵上猶見最高峯

詠曉

軍中始吹角城上河初落深沉猶隱惟晃朗先  
分闕

詠夜

明從何處去暗從何處來但覺年年老半是此  
中催

詠聲

萬物自生聽一云萬物自此聽大空怕寂寞還從一作  
靜中起却向靜中消

任洛陽丞請告一首

方鑿不受圓直木不爲輪揆才各有用反性生  
苦辛折腰非吾事飲水非吾貧休告卧空館養  
病絕囂塵遊魚自成族野鳥亦有群家園杜陵  
下千歲心氛氲天晴嵩山高雪後河洛春橋木  
猶未芳百草日已新著書復何爲當去東臯耘

縣齋

仲春時景好草木漸舒榮公門且無事微雨園  
林清泱泱水泉動忻忻衆鳥鳴閑齋始延矚東  
作興庶忙即事翫文墨抱冲披道經於馬日淡

泊徒使芳尊盈

晚出府舍與獨孤兵曹令狐士曹南尋

朱雀街歸里第

分曹幸同簡聯騎方愜素還從廣陌歸不覺青  
山暮翻翻鳥未沒杳杳鍾猶度尋草遠無人望  
山多枉路聊叅世士跡嘗得靜者顧出入雖見  
牽忘身緣所一作晤

休沐東歸

由來束帶士請謁無朝暮公暇及私身何能獨  
閑步摘葉愛芳在捫竹怜粉污岸憤偃東齋夏

天清曉露懷仙閣真誥貽友題幽素榮達頗知  
踈恬然自成度綠苔日已滿幽寂誰來顧

夜直省中

河漢有秋意南宮生早涼玉漏殊杳杳雲闕更  
蒼蒼華燈發新燄一作爐煙浮夕香顧跡知爲  
忝束帶愧周行

郡內閒居

棲息絕塵侶孱鈍得自怡腰懸竹使符心與一作  
如廬山緇衣日一酣寢起坐兀無思長廊獨看  
雨衆藥發幽姿今夕已云罷明晨復如斯何事

能為累寵辱豈要辭

燕居卽事

蕭條竹林院風雨叢蘭折幽鳥林上啼青苔人  
跡絕燕居日已永夏木紛成結几閣積群書時  
來北窓閱

幽居

貴賤雖異等出門皆有營獨無外物牽遂此幽  
居情微雨夜來過不知春草生青山忽已曙鳥  
雀繞舍鳴時與道人偶或隨樵者行自當安蹇  
劣一作拙誰謂薄世榮

野居書情

世事日可見身名良蹉跎尚瞻白雲嶺聊作負  
薪歌

郊居言志

負暄衡門下望雲歸遠山但要樽中物餘事豈  
相關交無是非責且得任踈頑日夕臨清澗逍  
遙思慮閑出去唯空屋弊簣委窓間何異林棲  
鳥戀此復來還世榮斯獨已顏志一作亦何攀  
唯當歲豐熟問里一歡顏

夏景端居即事

北齋有涼氣嘉樹對層城重門未日掩清池夏  
雲生遇此庭訟簡始聞蟬初鳴逾懷故園愴默  
默以緘情

始至郡

湓城古雄郡一作鎮橫江千里池高樹上迢遞峻

嶭繞欹危井邑煙火晚郊原草樹滋洪流蕩一作薄

北趾崇嶺鬱南圻斯民本樂生逃逝竟何為旱

歲屬荒歉舊漕積如坻到郡方逾月終朝理亂

絲賓朋未及醺簡牘已云疲昔賢播高風得守

媿無施豈待干戈戢且願撫惇嫠

郡中西齋

似與塵境一作世絕蕭條齋舍秋寒花獨經雨山禽時到州清觴養真氣玉書示道流豈將符守戀幸以棲心幽

新理西齋

方將忙訟理久翳西齋居草木無行次閑暇一芟除春陽土脉起膏澤發生初養條刊朽枿護藥鋤穢一作荒蕪稍稍覺林聳歷歷忻竹踈始見庭宇曠頃令煩抱舒茲馬即可愛何必是吾廬  
曉坐西齋

皦皦城鼓動稍稍林鷗去柳意不勝春巖光已知曙寢齋有單褌一作茅靈藥為朝始盥漱忻景清焚香澄神憲公門自常事道心寧易一作處郡齋卧疾絕句

香爐宿火滅蘭燈宵影微秋齋獨卧病誰與覆寒衣

寓居未定精舍蘇州

政拙忻罷守閑居初理生家貧何由往夢想在京城野寺霜露月農興羈旅情聊租二頃田方課子弟耕眼暗文字廢身閑道心精即與人群

遠豈謂是非嬰

未定寺喜辟強夜至

子有新歲慶獨此苦寒歸夜叩竹林寺山行雪  
滿衣深爐正燃火空齋共掩扉還將一樽對無  
言百事違

野居

結髮屢辭秩立身本踈慢今得罷守歸幸無世  
欲患棲止旦偏僻嬉遊無早晏逐兔上坡岡捕  
魚緣赤澗高歌意氣在貫酒貧居慣時啓北窓  
扉豈將文墨間

同襄子秋齋獨宿

山月皎如燭風霜時動竹夜半鳥驚栖窓間人  
獨宿

餌黃精

靈藥出西山服食採其根九蒸換凡骨經著上  
世言候火起中夜馨香滿南軒齋君感衆靈藥  
術啓妙門自懷物外心豈與俗士論終期脫印  
綬永與天壤存

昭國里第聽元老師彈琴

竹林高宇霜露清朱絲玉徽多故情暗識啼鳥

與別鶴祗緣中有斷腸聲

野次聽元昌奏橫吹

立馬蓮塘吹橫笛微風動柳生水波北人聽罷  
淚將落南朝曲中怨更多

樓中閱清管

山陽遺韻在林端橫吹驚響迴憑高閣曲怨繞  
秋城浙瀝危葉振蕭瑟涼氣生始遇茲管賞已  
懷故園情

寒食

清明寒食好春園百卉開綵繩拂花去輕毬度

閣來長歌送落日緩吹逐殘杯非關無燭罷良  
為羈思催

七夕

人世拘形迹別去間山川豈意靈仙隅相望亦  
彌年夕衣清露濕晨駕秋風前臨懽定不住當  
為何所牽

九日

今朝把酒復惆悵憶在杜陵田舍時明年九日  
知何處世難還家未有期

秋夜

暗窓涼葉動秋天

一作齋

寢席單憂人半夜起明

月在林端一與清景遇每憶平生歡如何方側

愴披衣露更

一作寒

### 秋夜一絕

高閣漸疑露涼葉稍飄闌憶在南宮直夜長鍾漏稀

### 滁城對雪

晨起滿闌雪憶朝闈闔時玉座分曙早金爐上  
煙遲飄散雲臺下凌亂桂樹姿厠跡鴛鴦未蹈  
舞豐年期今朝覆山郡寂寞復何為

### 雪中

空堂歲已晏密室獨安眠獸蘇夜偏積覆閣曉  
逾妍連山暗古郡驚風散一川此時騎馬出忽  
省京華年

### 詠春雪

徘徊輕雪意似借艷陽時不悟風花冷翻令梅  
柳遲

### 對春雪

蕭屑杉松聲寂寥寒夜憲州貧人吏稀雪滿山  
城曙春塘看幽谷栖禽愁未去開闈正亂流寧



辨花枝處

對殘燈

獨照碧窓久欲隨寒燼  
幽人將遽眠解帶翻  
成結

對芳樽

對芳樽醉來百事何足論  
遙見青山始一醒欲  
著接離還復昏

夜對流螢作

月暗竹亭幽螢光拂席流  
還思故園夜更度一  
年秋自愜觀書興何慙秉燭遊  
府中徒冉冉明

發好歸休

對新篁

新綠苞初解嫩氣筍猶香  
含露漸舒葉抽叢稍  
自長清晨止亭下獨愛此幽篁

夏花明

夏條綠已密朱萼綴明鮮  
炎炎日正午灼灼火  
俱燃翻風適自亂照水復成妍  
歸視窓間字  
熒煌滿眼前

對萱草

何人樹萱草對此郡齋幽  
本是忘憂物  
今夕一作日

重生憂叢踈露始滴芳餘蝶尚留還思杜陵圃  
離披風雨秋

見紫荊花

雜英紛已積含芳獨暮春還如故園樹忽憶故  
園人

翫螢火

時節變衰草物色近新秋度月影纔斂繞竹光  
復流

對雜花

朝紅爭景新

一作解

夕素含露翻妍姿如有意流

芳復滿園單棲守遠郡永日掩重門不與花為  
偶終遣與誰言

種藥

好讀神農書多識藥草名持纈購山客移葑羅  
衆英不改幽澗色宛如此地生汲井旣蒙澤插  
援亦扶傾陰穎夕房斂陽條夏花明悅翫從茲  
始日夕繞庭行州民自寡訟養閑非政成

西澗種柳

宰邑乖所願僂俛愧昔人聊將休暇日種柳西  
澗濱置鍾息微倦臨流睇歸雲封壤自人力生

條在陽春一作王春成陰豈自取為茂屬佗辰延詠  
留佳賓山水變夕曛

種瓜

率性方鹵莽理生尤自踈今年學種瓜園圃多  
荒無衆草同雨露新苗獨翳如直以春招迫過  
時不得鋤田家笑枉費日夕轉空虛信非吾儕  
事且讀古人書

喜園中茶生

潔性不可污為飲滌塵煩此物信靈味本自出  
山原聊因理郡餘率爾植荒園喜隨衆草長得

與幽人言

移海榴

葉有苦寒色山中霜霰多雖此家陽景移根意  
如何

郡齋移杉

擢榦方數尺幽姿已蒼然結根西山寺來植郡  
齋前新含野露氣稍靜高窓眠雖為賞心遇豈  
有巖中綠

花徑

山花夾徑幽古甃生苔澁胡床理事餘玉琴承

露濕朝與詩人賞夜携禪客入自是塵外蹤無  
令吏趨急

慈恩寺南池秋荷詠

對殿含涼氣裁規覆清沼衰紅受露多餘馥依  
人少蕭蕭遠塵跡颯颯凌秋曉節謝客來稀迴  
塘方獨遶

題桐葉

參差前綠綺蕭洒覆瓊柯憶在灋東寺偏書此  
葉多

題石橋

遠學臨海嶠橫此莓苔石郡齋三四峯如有靈  
仙一作跡方愁暮雲滑始照寒池碧自與幽人  
期逍遙竟朝夕

池上

郡中卧病久池上一來餘榆柳飄枯葉風雨倒  
橫查

滁州西澗

獨憐幽一作草澗邊生行一作上有黃鸝深樹鳴

春潮帶雨晚來急野渡無人舟自橫

西塞山

勢從千里奔直入江中斷嵐橫秋塞雄地東驚  
流蒲

山耕叟

蕭蕭垂白髮默默詎知情獨放寒林燒多尋虎  
跡行暮歸何處宿來此空山耕

上方僧

見月出東山上方高處禪空林無宿火獨夜汲  
寒泉不下藍溪寺今年一作三十年

煙際鍾

隱隱起何處迢迢送落暉蒼茫隨思遠蕭散逐

一作煙微秋野寂云一作晦望山僧獨歸

始聞夏蟬

徂夏暑未晏蟬鳴景已曛一聽知何處高樹但  
侵雲響悲遇衰齒節謝屬離群還憶郊園日獨  
向澗中間

射雉

走馬上東岡朝日照野田野田雙雉起翻射斗  
迴鞭雖無百發中聊取一笑妍羽分繡臆碎頭  
一作頭一作項 施錦鞞懸方將悅羈旅非閑學少年發弓  
一長嘯憶在灞城阡

夜聞獨鳥啼

失侶度山覓投林舍北啼今將獨夜意偏知對影栖

述園鹿

野性本難畜翫習亦逾年麕斑始方直麕角已蒼然仰首嚼園柳俯身飲清泉見人若閑暇蹙起忽低騫茲獸有高貌几類寧比肩不得遊山澤跼促誠可憐

聞鴈

故園眇何處歸思方悠哉淮南秋雨夜高齋聞

鴈來

更不須言

子規啼

高林滴露夏夜清南山子規啼一聲鄰家孀婦抱兒泣我獨展轉難為情悼一作何時明○此必悼亡後作次第可見

始建射侯

男子本懸派有志在四方虎竹忝明命熊侯始張皇賓客時事畢諸將備戎裝星飛的屢破鼓譟武更揚曾習鄒魯學亦陪鴛鴦翔一朝願投筆世難激中腸

鷓鴣

可憐鷓鴣飛飛向樹南枝南枝日照暖北枝霜  
露滋露滋不堪棲使我夜常啼願逢雲中鶴  
我向寥廓願作城上烏一年生九雛何不舊巢  
住枝弱不得一作去不意道苦辛客子常畏人

韋蘇州集卷第八

韋蘇州集卷第九

蘇州刺史韋 應物

歌行上

長安道

漢家宮殿含雲煙兩宮十里相連延晨霞出沒  
弄丹闕春雨依微自甘泉春雨依微春尚早長  
安貴遊愛芳草寶馬橫來下建章香車却轉避  
馳道貴遊誰最貴衛霍世難比何能蒙主恩幸  
遇邊塵起歸來甲第拱皇居朱門戕戕臨九衢  
中有流蘇合歡之寶帳一百二十鳳凰羅列含

明珠下有錦鋪翠被之粲爛博山吐香五雲散  
麗人綺閣情飄飄頭上鴛鴦雙翠翹佞髮曳袖  
迴春雪聚黛一聲愁碧霄山珍海錯奔藩籬烹  
犢包羔如折葵既請列侯封部曲還將金印授  
廬兒歡榮若此何所苦但苦白日西南馳

行路難

一云連環歌

荆山之白玉乃良工凋琢雙環連月蝕中央鏡  
心穿故人贈妾初相結恩在環中尋不絕人情  
厚薄苦須臾昔似連環今似玦連環可碎不可  
離如何物在人之日移上客勿遽歡聽妾歌路難

旁人見環環可憐不知中有長恨端

橫塘行

妾家住橫塘夫婿家郎玉盤的歷矢白魚湘  
簾玲瓏透象牀象牀可寢魚可食不知郎意何  
南北岸上種蓮豈得生池中種槿豈得成丈夫  
一去花落樹妾獨夜長心未平

貴遊行

漢帝外家子恩澤少封侯垂楊拂白馬曉日上  
青樓上有顏如玉高情世無儔一作非無儔輕裾含  
碧煙窈窕似雲浮良時無還景促節爲我謳忽



聞艷陽曲四坐亦已柔賓友仰稱嘆一生何所  
求平明擊鍾食入夜樂未休風雨憊歲候兵戈  
橫九州焉知坐上客草草心所憂

酒肆行

豪家沽酒長安陌一日起樓高百尺碧䟽玲瓏  
含春風銀題彩幟邀上客迴瞻丹鳳闕直視樂  
遊苑四方稱賞名已高五陵車馬無近遠晴景  
悠揚三月天桃花飄俎柳垂筵繁絲急管一時  
合他壚隣肆何寂然主人無厭且專利百斛須  
史一壺費一作初釀厚薄爲大偷飲者知名不

知味深門潛醞客來稀終歲醇醲味不移長安  
酒徒空擾擾路旁過去那得知

相逢行

二十登漢朝英聲邁今古適從東方來又欲謁  
明主猶酣新豐酒尚帶灞陵雨邂逅兩相逢別  
來問寒暑寧知白日晚暫向花間語忽聞長樂  
鍾走馬東西去

鳥引雛

日出照東城春鳥鳴雛和鳴雛和鳴羽猶短  
巢在深林春正寒引飛欲集東城暖群雛離襁

睥睨高舉翅不及墜蓬蒿雄鷓來去飛又引音  
聲下上懼鷹隼引雛鳥爾心急急將何如何得  
比日搜索雀卵噉爾雛

鷓奪巢

野鵲野鵲巢林稍鷓鷯恃力奪鵲巢吞鵲之肝  
啄鵲腦竊食偷居常自保鳳凰五色百鳥尊知  
鷓為害何不言霜鷓野鷓得殘肉同啄羶腥不  
肯逐可憐百鳥生縱橫雖有深林何處宿

燕啣泥

啣泥燕聲嘒嘒尾涎涎秋去何所歸春來復相

見豈不解決絕高飛碧雲裏何為地上啣泥滓  
啣泥雖賤意有營杏梁朝日巢欲成不見百鳥  
畏人林野宿翻遭網羅俎其肉未若啣泥入華  
屋驚啣泥百鳥之智莫與齊

鞞鼓行

淮海生雲暮慘澹廣陵城頭鞞鼓暗寒聲坎坎  
風動邊忽似孤城萬里絕四望無人煙人如虜  
騎截遼水胡馬不食仰朔天座中亦有燕趙士  
聞鞞不語客心死何況鰥孤火絕無晨炊獨婦  
夜泣官有期

古劍行

千年土中兩刃鐵土蝕不入金星滅沉沉青脊  
鱗甲滿蛟龍無足蛇尾斷忽欲動中有靈豪士  
得之敵國寶仇家舉意半夜鳴小兒女子不可  
近龍蛇變化此中隱夏雲奔走雷闐闐恐成霹  
靂飛上天

金谷園歌

石氏滅金谷園中水流絕當時豪右爭驕侈錦  
為步障四十里東風吹花雪滿川紫氣凝閣朝  
景妍落陽陌上人迴首絲竹飄颻入青天晉武

平吳恣歡燕餘風靡靡朝廷變嗣世衰微誰肯  
憂二十四友日日空追遊追遊詎可足共惜年  
華促禍端一發埋恨長百草無情春自綠

溫泉行

出身天寶今年絕頑鈍如鎚一作鎚命如紙作官不  
了却來歸還是杜陵一男子北風慘慘投溫泉  
忽憶先皇遊幸年身騎廐馬引天仗直入華清  
列御前玉林瑤雪滿寒山上昇玄閣遊絳煙平  
明羽衛朝萬國車馬合沓溢四鄽蒙恩每浴華  
池水扈獵不蹂渭北田朝廷無事共歡蕪美人

絲管從九天一朝鑄鼎降龍馭小臣髯絕不得  
去今來蕭瑟一作索萬井空唯見蒼山起煙霧可  
憐躑躅夫風波仰天大叫無柰何弊裘羸馬凍  
欲死賴遇主人杯酒多

### 學仙

昔有道士求神仙靈貞下試心確然千鈞巨石  
一髮懸卧之石下十三年存道忘身一試過名  
奏玉皇乃升天雲氣冉冉漸不見留與弟子但  
精堅

石上鑿井欲到水惰心一起中路止豈不見古

來三人俱弟兄結茅深山讀仙經上有青冥倚  
天之絕壁下有颼颼萬壑之松聲仙人變化為  
白鹿二弟翫之兄誦讀讀多七過可乞言為子  
心精得神仙可憐二弟仰天泣一失毫釐千萬  
年

### 廣陵行

雄藩鎮楚郊地勢鬱蒼堯雙旌擁萬戟中有霍  
嫖姚海雲助兵氣寶貨益軍饒嚴城動寒角晚  
騎踏霜橋翕習英豪集振奮士卒驍列郡何足  
數趨拜等卑寮日晏方云罷人逸馬蕭蕭忽如

京洛間遊子風塵飄歸來視寶劍功名豈一朝

萼綠華歌

有一人兮昇紫霞書名玉牒兮萼綠華仙容矯  
矯兮雜瑤珮輕衣重重兮蒙絳紗雲雨愁思兮  
望淮海鼓吹蕭條兮駕龍車世淫濁兮不可降  
胡不來兮玉斧家

王母歌

一云玉女歌

衆仙翼神母羽蓋隨雷起上遊玄極杳冥中下  
看東海一杯水海畔種桃經幾時千年開花千  
年子玉顏眇眇何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋  
啓雙檢中有玉堂一作鋪玉簾立之一隅不與

言玉體安隱三日眠馬生一立心轉堅知其丹  
白蒙哀憐安期先生來起居請示金鐺玉佩天  
皇書神女呵責不合見仙子謝過手足戰太瓜  
玄棗冷如水海上摘來朝霞凝賜仙復聖對食  
訖頷之使去隨煙升一作使隨乃言馬生合不  
姪少姑教勅令付爾安期再拜將生處一授素  
書天地畢

石鼓歌

周宣大獵兮岐之陽刻石表功兮煇煌煌石如  
鼓形數止十風雨缺訛苔蘚澁今人濡紙脫其  
又既擊既掃白黑分忽開滿卷不可識驚潛動  
蟄走云云喘逶迤相糺錯乃是宣王之臣史籀  
作一書遺此天地間精意長存世冥冥秦家祖  
龍還刻石碣石之果李斯跡世人好古猶法傳  
持來比此殊懸隔

寶觀主白鸚鵡歌

鸚鵡鵠鵠衆皆如漆爾獨如玉鸚鵡之鵠之衆皆

蓬蒿下爾自三山來

音

三山處子下人間綽約

不粧冰雪顏仙鳥隨飛來掌上來掌上時拂拭  
人心鳥意自無猜玉詣霜毛之同色有時一去  
凌蒼蒼朝遊汗漫暮玉堂巫峽雨中飛暫濕杏  
花林裏過來香日夕夜仁全羽翼立欲銜環非  
報德豈不及阿母之家清鳥兒漢宮來往傳消  
息

彈碁歌

圓天方地局二十四氣子劉生絕藝難對曹客  
爲歌其能請從中央起中央轉闔破欲闌零落

勢背誰能彈此中舉一得六七旋風忽散霹靂  
疾履機乘變安可當置之死地翻取強不見短  
兵反掌收已盡唯有猛士守四方四方又何難  
橫擊上緣邊豈如昆明與碣石一箭飛中隔遠  
天神安志愜動十全滿堂驚視誰得然

韋蘇州集卷第九

韋蘇州集卷第十

蘇州刺史韋 應物

歌行下

聽鶯曲

東方欲曙花冥冥啼鶯相喚亦可聽乍去乍來  
時近遠纔聞南陌又東城忽似上林翻下苑綿  
綿蠻蠻如有情欲轉不轉意自嬌羞兒弄笛曲  
未調前聲後聲不相及秦女學箏指猶澁須臾  
風暖朝日暎流音變作百鳥喧誰家懶婦驚殘  
夢何處愁人憶故園伯勞飛過聲跼促戴勝下

時桑田綠不及流鶯日日啼花間能使萬家春  
意閑有時斷續聽不了飛去花枝猶裊裊還栖  
碧樹鏢千門春漏方殘一聲曉

白沙亭逢吳叟歌

龍池宮裏上皇時羅衫寶帶香風吹滿朝豪士  
今已盡欲話舊遊人不知白沙亭上逢吳叟愛  
客脫衣且沽酒問之執戟亦先朝零落艱難却  
負樵親覩文物蒙雨露見我昔年侍丹霄冬待  
春祠無一事歡遊洽宴多頒賜嘗陪夕月竹宮  
齋每返溫泉灞陵醉星歲再周十二辰爾來不

語今爲君盛時忽云良可恨一生吹嶺何足云

送褚校書歸舊山歌

握珠不返泉匣玉不歸山明皇重士亦如此忽  
得褚生何得還方擗羽獵賦未拜蘭臺職漢篋  
亡書已暗傳高丘遺簡還能識朝朝待詔青鏢  
闈中有萬年之樹蓬萊池上人仰望樓此地生  
獨徘徊意何爲故山可往薇可採一自人間星  
歲改藏書壁中苔半侵洗藥泉中月還在春風  
飲餞灞陵原莫厭歸來朝市喧不見東方朔避  
世從容金馬門



五弦行

美人為我彈五弦塵埃忽靜心悄然古刀幽磬  
初相觸千珠貫斷落寒玉中曲又不喧徘徊夜  
長月當軒如伴風流繁艷雪更逐落花飄御園  
獨鳳寥寥有時隱碧霄來下聽還近燕姬有恨  
楚客愁言之不盡聲能盡末曲感我情解幽釋  
結和樂生在士有仇未得報拔劍欲去憤已平  
夜寒酒多愁遽明

驪山行

君不見開元至化垂衣裳厭坐明堂朝萬方訪

道靈山降聖祖沐浴華池集百祥千乘萬騎被  
原野雲霞草木相輝光禁仗圍山曉霜切離宮  
積翠夜漏長玉階寂歷朝無事碧樹菱蕤寒更  
芳三清小鳥傳仙語九華真人奉瓊漿下元昧  
爽漏一作編恒秩登山朝禮玄元室翠華稍隱天  
半雲丹閣光明海中日羽旄旌節憩瑤臺清絲  
妙管從空來萬井九衢皆仰望彩雲白鶴方徘徊  
憑高覽古一作或望嗟寰宇造化茫茫思悠哉秦  
川八水長繚繞漢氏五陵空崔嵬乃言聖祖奉  
丹經以年為日億萬齡蒼生感壽陰陽泰高謝

前王出塵外英豪共理天下晏戎夷讐伏兵無  
戰時豐賦歛未告勞海闊珍竒亦來獻干戈一  
起文武乖歡娛已極人事變聖皇弓劍墜幽泉  
古木蒼山閉宮殿續承鴻業聖明君威震六合  
驅妖氛太平遊幸今可待湯泉嵐嶺還氛氲

漢武帝雜歌

漢武好神仙黃金作臺與天近王母摘桃海上  
還感之西過聊問訊款來不來夜未央殿前青  
鳥先徊翔綠鬢縈雲裾曳霧雙節飄飄下仙步  
白日分明到世間碧空何處來時路玉盤捧桃

將獻君踟躕未去留彩雲海水桑田幾翻覆中  
間此桃四五熟可憐穆滿瑤池燕正值花開不  
得薦花開子熟安可期邂逅能當漢武時顏如  
芳華潔如玉心念我皇多嗜欲雖留桃核桃有  
靈人間糞土種不生由來在道一作德豈在藥徒  
勞方士海上行掩扇一言相謝去如煙非煙不  
知處

金莖孤峙兮凌紫煙漢宮美人望杳然通天臺  
上月初出承露盤中珠正圓珠可飲壽可求武  
皇南面曙欲分從空下來玉杯冷世間綵翠亦

作囊八月一日仙人方仙方稱上藥靜者服之  
常綽約栢梁沉飲自傷神猶聞駐顏七十春乃  
知甘醲皆是腐腸物獨有淡薄之水能益人千  
載金盤竟何處當時鑄金恐不固蔓草生來春  
復秋碧天何言空墜露

漢天子觀風自南國浮世大江屹不前蛟龍索  
鬪風波黑春秋方壯雄武才彎弧叱浪連山開  
愕然觀者千萬眾舉麾齊呼一矢中死蛟浮出  
不復靈舳艫千里江水清鼓鼙餘響數日在天  
吳深入魚鼈驚左有倏飛落霜翻右有孤兕貫

犀革何爲臨深親射蛟示威以奪諸侯魄威可  
畏皇可尊平田校獵書猶陳此日從臣何不言  
獨有威聲振千古君不見後嗣尊爲武

機欄拂蠅歌

機欄爲拂登君席青掩蠅亂飛四壁文如輕羅  
散如髮馬尾毳毛不能絜柄出湘江之竹碧玉  
寒上有織羅縈縷尋未絕左揮右洒繁暑清孤  
松一枝風有聲麗人紈素可憐色安能點白還

爲黑

掩一作撩

信州錄事參軍常曾古鼎歌

三年糾一郡獨飲寒泉井江南鑄器多鑄銀罷  
官無物唯古鼎彫螭一作虫刻篆相錯蟠地中歲  
久青苔寒左對蒼山右流水云有古來葛仙子  
葛仙埋之何不還耕者鎗然得其間持示世人  
不知寶勸君鍊丹求壽考

夏水歌

出自玄泉杳杳之深井汲在朱明赫赫之炎辰  
九天含露未銷鑠閭闔初開賜貴人碎如墜瓊  
方截璐粉壁生寒象筵布玉壺紈扇亦玲瓏座  
有麗人色俱素咫尺炎涼變四時出門焦灼君  
詎知肥羊甘醴心悶悶飲此瑩然何所思當念  
闌干鑿者苦臘月深井汗如雨

凌霧行

秋城海霧重職事凌晨出浩浩合無天溶溶迷  
朗一作曉日纔看含鬢白稍視一作以霑衣密道騎  
全不分郊樹都如失霏微誤嗟吸膚腠生寒慄  
歸當飲一杯庶用蠲斯疾

樂燕行

良辰且燕樂樂往不再來趙瑟正高張音響清  
塵埃一彈和妙謳吹去繞瑤臺艷雪凌空散舞

羅起徘徊輝輝發衆顏灼灼歎令才當喧既無  
寂中飲亦停杯華燈何遽升馳景忽西頽高節  
亦云立安能滯不迴

采玉行

官府徵白丁言采藍谿玉絕嶺夜無家深榛雨  
中宿獨婦餉糧還哀哀舍南哭

一作田荒  
舍南哭

難言

掬土移山望山盡一作遷投石填海望海滿持索  
捕風幾時得將刀斫水幾時斷未若不相知中  
心萬仞何由欸

易言

洪爐熾炭燎一毛大鼎炊湯沃殘雪疾影隨形  
不覺至千鈞引縷不知絕未若同心言一言和  
同解千結

調嘯詞

胡馬胡馬遠放燕支山下跑沙跑雪獨嘶東望  
西望路迷路迷路迷路邊草無窮日暮  
河漢河漢曉桂秋城漫漫愁人起望相思江南  
塞北別離別離別離離河漢雖同路絕

三臺詞

一年一年老去明日後日花開未報長安平定  
萬國豈得啣盃

冰泮寒塘始綠雨餘百草皆生朝來門閭無事  
晚下高齋別有情

韋蘇州集卷第十



韋蘇州集拾遺

蘇州刺史韋 應物

熙寧丙辰校本添四首

荅暢參軍一首

南池宴錢子辛賦得科斗一首

詠徐正字畫青蠅一首

虞獲子鹿一首 并序

紹興壬子校本添三首

陪王郎中尋孔徵君一首

送宮人入道一首

和晉陵陸丞早春遊望一首

乾道辛卯校本添一首

九日

荅暢參軍

秉筆振芳步少年且吏遊官閑高興生夜直河  
漢秋念與清賞遇方抱沉疾憂嘉言忽見贈良  
藥同所瘳高樹起栖鴉晨鍾滿皇州妻清露華  
動曠朗景風浮偶宦心非累處喧道自幽空虛  
為世薄子獨意綢繆

南池宴錢子辛賦得科斗

臨池見蝌蚪美爾樂有餘不憂網與鈎幸得免  
為魚且願克文字登君尺素書

詠徐正字畫青蠅

誤點能成物迷真許一時筆端來已久座上去  
何遲顧白曾無變聽雞不復疑詎勞才子賞為  
入國人詩

虞獲子鹿并序

虞獲子鹿憫園鹿也遭虞之機張見畜於人不  
得遂其天性焉

虞獲子鹿畜之城陬園有美草池有清流但見

蹙蹙亦聞吻吻誰知其思巖谷云遊一作遊

陪王郎中尋孔徵君

俗吏閑居少同人會面難偶隨香署客來訪竹林歡暮館花微落春城雨暫寒甕間聊共酌莫使宦情闌

送宮人入道

捨寵求仙畏色衰辭天素面立天墀金丹擬駐千年貌寶鏡休勻八字眉公主與收珠翠後君王看戴角冠時從來宮女皆相妬說著瑤臺總淚垂

和晉陵陸丞早春遊望

獨有宦遊人偏驚物候新雲霞出海曙梅柳渡江春淑氣催黃鳥晴光照綠蘋忽聞歌苦調歸思歆霑巾

九日

一爲吳郡守不覺菊花開始有故園思且喜衆賓來



題新刻韋蘇州集後

古詩三百篇孔子刪而定之蓋  
欲人得其性情之正云爾漢去  
古未遠當時作者猶有風人遺  
意魏晉而降世變而詩隨之獨  
陶元亮天資挺拔高情遠韻迥  
出流俗漢魏以來一人而已唐



人以詩鳴者無慮百餘家品格  
風韻蓋人人殊韋蘇州生其間  
盡脫陳隋故習能一寄鮮穠於  
簡淡之中晦翁取焉是又元亮  
之後一人而已陝西去書肆最  
遠陶詩寧夏有刻本學者猶得  
見之韋集縉紳家鮮有藏者士

或終其身不可見侍御史沁水  
李公好古博雅而工於詩嘗語  
及此意甚惜之予因出所藏抄  
本公喜命知隴州事劉玘刻置  
郡齋以廣其傳嗚呼詩固學者  
之所不可廢也得是集者并陶  
詩讀之而有得焉發爲篇章庶

幾和平冲淡不失古詩人吟咏  
性情之意矣若乃雕鏤鍛鍊以  
爲工叫呼叱咤以爲豪此陶韋  
之所棄者吾知免夫

弘治丙辰夏五月朔陝西按察  
司提學副使石淙揚一清識



程